

## **Ша ми тадзи преходзели**

Музыка и слова: народни  
Обробка: Ириной Тимко

Ша ми тадзи преходзели  
дзивчаточко зме видзели,  
воно рано ставало,  
та ручнічки наткало.

Ми з далска путовали  
коні ше нам залюштали,  
дайце-ле нам ручнічки  
поуцерац конічки.

Ей, приданцох надосц маме,  
цо же ми им есц подаме,  
нарубеме трисочки  
аж на седем мисочки.

Не турбуйце ви ше з нами,  
остараме ми ше сами,  
маме ми ту барана,  
досц нам будзе до рана.